

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第二冊

責任編輯：孫言誠 賀 偉

ISBN 7-5333-0535-3



2880/02

四庫全書存目叢書·史部二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092毫米 16開本 51.75印張

1996年8月第1版 1996年8月第1次印刷

印數1-100

ISBN 7-5333-0535-3

Z·37 史部定價：87600圓

史部第二冊目次

史部·編年類

考定竹書十三卷

〔清〕孫之騷撰
湖北省圖書館藏清雍正刻本

..... 一

少微通鑑節要五十卷外紀四卷

〔宋〕江贊輯
中央民族大學圖書館藏明正德九年司禮監刻本

..... 一四五

考定竹書十三卷

〔清〕孫之駿撰

湖北省圖書館藏清雍正刻本

附《四庫全書總目·考定竹書

十三卷》提要

考定竹書卷一

黃帝軒轅氏

河渚孫之駿晴川

索隱曰按有土德之瑞土色黃故稱黃帝易川靈圖曰帝者天號也德配天地不私公位稱之曰帝黃帝之母曰附寶見大電繞北斗樞星光照郊野感而孕二十五月而生帝於壽丘弱而能言龍顏有聖德劾百神朝而使之應龍攻蚩尤戰虎豹熊羆四獸之力以女魃止淫雨天下既定聖德光被羣瑞畢臻有屈軼之草生於庭佞人入朝則指之

考定竹書卷一

十

是以佞人不敢進

此約附註

壽丘在上邽或曰濟南世

紀又以為兗河圖作二十四月連世紀作二十月

生帝姓公孫名荼一曰軒荼古舒字或作余世紀

云伯余作衣裳許註亦云黃帝軒轅氏作於空桑

之北紹物開智見轉風之遠不已者於是作乘車

相輪璞較橫木為軒直木為轅以尊太上故號曰

軒轅氏古封禪之帝也在黃帝之前後世惟見史

遷紀黃帝名軒轅更弗復攷於古失之

史略

元年帝即位

命大撓正甲子探五行之情而定之納音風后釋

之以致其用帝受圖得五始元者氣之始即位者

一國之始薛應旂黃帝八年紀甲子則支干所自起矣

居有熊

庖犧先文黃帝曰太古百皇闢基史籀述理徵萌始有熊氏有熊今鄭州新鄭縣帝自有熊啟祚故號有熊正義曰涿鹿本名彭城黃帝初都遷有熊也

初制冕服

三皇前君以冒覆頭句領遠頭至黃帝始制軒冕路史云黃帝法乾坤以正衣裳制袞冕設斧鉞深

衣大帶扉履赤舄玄衣纁裳絰纁黻旂以規眎聽之逸

二十年景雲見以雲紀官

有景雲之瑞赤方氣與青方氣相連赤方中有兩星青方中有一星凡三星皆黃色以天清明見於攝提名曰景星帝黃服齋於中宮坐於玄扈洛水之上有鳳凰集不食生蟲不履生草或止帝之東園或巢於阿閣或鳴於庭其雄自歌其雌自舞麒麟在園神鳥來儀有大螭如羊大螭如虹帝以土氣勝遂以土德王郊子曰黃帝氏以雲紀故為雲

師而雲名春官青雲氏夏官緡雲氏秋官白雲氏冬官黑雲氏中官黃雲氏服虔云黃帝以雲名官也易坤靈圖蒼帝起青雲扶日赤帝起黃雲扶日若華嚴合論所謂華雲香雲髮雲摩尼雲瓔珞雲蓋雲衣雲幢雲幡雲帳雲一切身雲此又如影如幻莫可思維者也

五十年秋七月庚申鳳鳥至帝祭于洛水

康申天霧三日三夜晝昏帝問天老力牧容成曰於公何如天老曰臣聞之國安其主好文則鳳凰居之國亂其主好武則鳳凰去之今鳳凰翔於東

考索竹書卷十

三

郊而樂之其鳴音中夷則與天相副以是觀之天有嚴教以賜帝帝勿犯也召史卜之龜焦史曰臣不能占也其問之聖人帝曰已問天老力牧容成矣史北面再拜曰龜不達聖智故焦霧既降遊于洛水之上見大魚殺五牧以醺之天乃甚雨七日七夜魚流于海得圖書焉龍圖出河龜書出洛赤文篆字以授軒轅接萬神於明庭今塞門谷口是也洛水成阜西入河謂之洛汭即什谷也故張儀說秦曰下兵三川塞什谷之口謂此川也

五十九年貫胸氏來賓

山海經貫句國其為人句有竅淮南子穿句氏胸
前穿孔達背玄覽曰盛海之東其民穿胸

長股氏來賓

西北海之外赤水之東有長脰之國即淮南子云
修股氏修長也股脚也謂脚長三丈尸子四夷之
民有貫句者深目者長股者黃帝之德皆致之

七十七年昌意降居若水產乾荒

元妃西陵氏曰嫫祖生昌意玄囂龍苗昌意就德
遜居若水取蜀山氏曰景樸生帝乾荒擢首而謫
耳聾喑而渠股是幾若水取蜀山氏曰樞是為河

考索竹書

四

女曰淖子淖子感瑤光於幽防生帝顓頊是為高
陽氏水經注云水出旄牛嶺外東南至故關為若
水黃帝長子昌意德劣不足紹承大位降居斯水
為諸侯焉娶蜀山氏女生顓頊于若水之野有聖
德二十登帝位承少昊金官之政以水德寶歷矣
一百年地裂

帝陟

帝王之崩皆曰陟書稱新陟王謂新崩也帝以土
德王應地裂而陟羣臣有左徹者感恩帝德取衣
冠几杖而廟享之諸侯大夫歲時朝焉陽周縣故

城南橋山有黃帝塚帝崩惟子釀存焉故世稱黃
帝仙矣汲冢書云黃帝仙去七年不還乃立顓帝
左徹亦仙去

帝摯少昊氏

沈約曰按帝摯少昊氏母曰女節見星如虹下流
華渚既而夢接意感生少昊登帝位有鳳凰之瑞
或曰名清不居帝位帥鳥師居西方以鳥紀官路
史云次妃方暈氏曰節生休及清休繼黃帝者也
是為帝鴻氏清次封清為紀姓是生小昊一稱少
昊名質是為摯世本作摯子由古史司帝少昊金

考索竹書

五

天氏曰摯亦曰青陽都于曲阜其立也鳳鳥遽至
故以鳥紀官為鳥師而鳥名鳳鳥氏歷正也玄鳥
氏司分也伯趙氏司至也青鳥氏司啓也丹鳥氏
司閉也祝鳩氏司徒也鵲鳩氏司馬也鳩鳩氏司
空也爽鳩氏司寇也鵲鳩氏司事也五鳩鳩氏者
也五雉為五工正九扈為九農正而其四叔重為
勾芒該為蓐收修及熙為玄冥少昊氏既衰而黃
帝之孫顓頊氏代之少昊之後見於周衰有郯子
焉曲阜今兗州遁甲開山云帝少昊死葬雲陽山
國名紀今茶陵西南十里有雲陽山少昊居之

帝顓頊高陽氏

母曰女樞見瑞光之星貫月如虹感已於幽房之宮生顓頊於若水首戴干戈有聖德生十年而佐少昊氏二十而登帝位

元年帝即位居濮

水經注云濮自陳留酸棗縣受河東北經濟陰至高平鉅野縣入濟帝年十五而佐少昊封於高陽都始孤棘二十爰立乃徙商丘以故柳城衛濮俱為顓頊之虛濮今商丘濮陽縣

十三年初作曆象

考索竹書

本

少皞氏衰九黎亂德帝乃命南正重司天以屬神北正黎司地以屬民乃注新曆十三月以為元歲紀甲寅上日乙巳日月值艮維之初而五星會于天歷氷始離蟄始動時氐三號而立春至天曰作時地曰作昌人曰作樂是以萬物應和而百事理是為歷宗

二十一年作承雲之樂

呂覽帝顓頊生自若水寔處空桑乃登為帝惟天之合正風乃行其音若熙熙淒淒鏘鏘帝好其音乃令飛龍作效八風之音命之曰承雲以祭上帝

乃命鯀先為渠偁鯀乃偃浸以其尾鼓其腹其音英

三十年帝產伯鯀居天穆之陽

郭璞曰竹書曰顓頊產伯鯀是維若陽居天穆之陽也墨子伯鯀帝之元子初帝取鄒屠氏女履癸不踐是生禹祖

七十八年帝陟

帝年九十八崩葬東郡頓丘廣陽里務顓之陽一作鮒鯀即廣陽山之別名

術罷作亂辛侯滅之

考索竹書

七

山海經炎帝之妻赤水帝之子聽訖生炎居炎居生節並節並生戲罷戲罷生祝融祝融降處于江水生共工共工生術罷術罷首方顛是復土穰以處江水術罷一作術罷一云共工生術罷及勾龍術罷襲共工號在顓頊時作亂帝命辛侯誅之以其弟勾龍為后土徐陵曰顓頊為君阻共工之亂是也帝嚳佐高陽氏受封於辛為侯國十道志襄邑有高辛城

帝嚳高辛氏

生而駢齒有聖德初封辛侯代高陽氏王天下使

鼓人拊鞀鼓擊鐘琴鳳凰鼓翼而舞

元年帝即位居亳

都于亳殷今穀熟南亳也

十六年帝使重帥師滅有郇

郇一作創國名記帝堯伐宗膾膾即郇也汲冢周書昔有創君蔑爵損祿後君少弱禁罰不行重氏伐之創君以亡攷之潛夫即祝融後也今郇城六韜曰會氏重氏伐有郇者宜勾芒國洛之南皮有千童城年表曰故重是也城在今無隸漢縣也或曰帝命重為木正即南正重司天者

四十五年帝錫唐侯命

堯年十三佐摯為高辛封殖初居陶後改國於唐為唐侯唐今定州唐昌縣皇甫謐曰堯始封於唐今中山唐縣是也後徙晉陽及為天子都平陽

六十三年帝陟

帝生三十而御天六十有三載崩葬頓丘臺城陰野之秋山元和志頓丘西北三十五里有秋山縣北三十里有帝偕墓沈約曰帝子摯立九年而廢帝嘗有四妃一生帝摯一生帝堯一生商之先高一生周之先后稷帝在位九年乃致禪於堯

考定竹書卷一終

考定竹書卷一

九

考定竹書卷二

河渚孫之驛晴川

帝堯陶唐氏

母曰慶都生於斗維之野常有黃雲覆其上及長觀于三河常有龍隨之一旦龍負圖而至其文要曰亦受天祐眉八彩鬚髮長七尺二寸面銳上豐下足履翼宿既而陰風四合赤龍感之孕十四月而生堯於丹陵其狀如圖及長身長十尺有聖德封於唐夢攀天而上高辛氏衰天下歸之元年丙子帝即位居冀

考定竹書卷二

十一

隋袁克曰堯景辰生景子年受命夏歌曰惟彼陶唐有此冀方呂覽兩河之間為冀州晉也

命羲和曆象

文耀鉤曰堯在璿璣玉衡置四候之官初重黎受職高陽之代高辛氏衰三苗復九黎之事民與晉漸罔中於信而二官以廢閏餘垂統用瀆齊盟上帝不錫苗民過絕於是復育重黎之後使纂舊業乃命羲和絕地天通羲載上天黎畝下地俾主陰陽羲和居卿而致日立渾儀五年初巡狩四岳

淮南子堯巡狩行教勤勞天下周流五嶽

七年有麟

帝在位七年民不作忒臬鷗逃于絕漠麒麟遊于蕞澤則能信於人也

十二年初治兵

維時西夏廢志惠而非兵稷城守弃武德好貪以求于民於是伐而亡之有唐不享今南陽於是偏以劇之卷之丹浦丹水在商各游之冥窳鑿齒九嬰十日大風封豕長蛇之害民固攸止於是澤兵稱旅屠長宅於洞庭射十日繳大風于青丘東方殺冥澤名

考定竹書卷二

十二

窳禽封豕於桑林乃誅鑿齒於湄華之野南方戮

九嬰于凶水之上在北而後萬民復生四方同塵

夷夏廣陬陰陽遠近始復道里於是南撫交趾北

懷幽都東西至日之所出入潛夫論云修爾與馬

弓矢戈兵徐陵曰堯誓湯征咸用干戈之道故曰

兵之設也久矣

十六年渠搜氏來賓

巨寔今朔方渠搜縣賈子新書堯西見王母訓及大夏渠搜宋書志渠搜禹時來獻裘周書王會渠搜以鼯犬穆天子傳王乘八駿至于巨搜氏之國

是也王者奉五行教民種植以時則渠搜來獻裘
十九年命共工治河

易坤靈圖堯之精陽萬物莫不從帝必有洪水之
災淮南子共工振滔洪水以薄空桑龍門未開呂
梁未發江淮通流四海溟滓民皆上丘陵赴樹木
后土胥沒而填星逆於水府路史云共工有三共
工氏太昊之世侯國非堯世之共工堯之共工又
非舜之所命者堯之共工乃少昊氏之子而舜之
共工則炎帝之裔垂也彼共工氏自其號氏有國
家者而舜之共工職也帝曰垂汝共工是矣堯之

考索竹書卷二

三

共工是則名爾

二十九年春僬僥氏來朝貢沒羽

沒羽矢名馬融頌納僬僥之珍羽是也僬僥國見
山海經在三首東括地志在大秦國北韓詩外傳
以其人長僅三尺淮南子西南方曰僬僥曰炎土
高誘注短人國長不滿三尺列子從中州以東四
十萬里得僬僥國人長一尺五寸

四十二年景星見于翼

一作景星出翼軫景星生於晦朔天門之上或入
月二三日或出月二十七八九日狀如星而中少

如魚星而不可或青赤白三氣聚如星如半月狀
出而不行必於四時王相日見翼為天子樂府及
蠻夷遠客負海之賓景星入翼則禮樂興四夷賓
服

五十年帝遊于首山乘素車玄駒

封禪書天下名山八而三在蠻夷五在中國中國
華山首山太室太山東萊此五山黃帝之所常游
首山在蒲阪之南河曲之中昔黃帝采首山之銅
是也又為伯夷餓隱處素車以白土墜車也本紀
云形車乘白馬古史考黃帝作車至省方始駕牛

考索竹書卷二

四

及陶唐氏制形車乘馬則馬駕之始也

五十三年帝祭于洛

洛水出弘農上洛縣冢領山春秋合誠圖曰堯坐
舟中與太尉舜臨觀鳳凰負圖授堯赤玉為匣長
三尺廣八寸厚三寸黃玉簽白玉繩封兩端章曰
天賜赤帝符璽

五十八年帝使后稷放帝子朱於丹水

帝長子考監明既以罪死次子朱復不肖使出就
丹為諸侯越絕書堯有不慈之名四機論堯囚十
子呂覽堯有子十人不與其子而授舜尚書逸篇

云堯子不肖舜使居丹淵為諸侯丹朱之國今朱虛有丹山丹水出焉東才西丹二水水近有長阪遠峻謂之破軍坡古記為丹朱弄兵之處又鄧之內鄉亦有丹水漢之丹水縣荊州記云丹川堯子封者即丹浦九域志云在鄧有丹朱冢然丹朱陵乃在相之永定縣丹浦堯敗有唐之處非朱國后稷名弃字度辰為唐天官齊職儀云弃授人時尊為天官后稷官名也潛夫論姬棄厥相披願為堯司徒絳若有稷山稷播種百穀於此竄萃云山西南去安邑六十里唐之稷山今屬河中弃事虞夏

考索竹書卷十

五

死于黑水之山

六十一年命崇伯鯀治河

鯀帝顓頊之子字熙連山易云鯀封於崇故國語謂之崇伯鯀崇今鄆東帝為涿水之患訪于四岳乃以命鯀鯀築之于歸藏得其大明曰不吉有初也後鯀障水汨陳其五行水不潤下故有鯀隄在相之安陽縣築以捍孟門今謂三兩城又歷高東三十五又清河西三十自宗城界來而澶之臨河西十五鯀隄自黎陽界入堯命鯀治水築之以障故無功又澶濱清軍城東南五十有堯隄過飛狐

界古長城即堯遭洪水命鯀築之者

六十九年黜崇伯鯀

竹書紀年云堯欲禪舜共工鯀諫以為不可舜即位殛鯀于羽山流共工于幽州今無其文呂覽曰堯以天下讓舜鯀為諸侯怒于堯曰得天之道者為帝得地之道者為三公今我得地之道而不以我為三公以堯為失論乃使猛獸欲以為亂比獸之角能以為城舉其尾能以為旄召之不來仿佛于野以患帝舜于是遏之羽山三年而死是為羽淵之神羽山在祝其縣東南鄭答趙商云鯀非珠

考索竹書卷十

木

死鯀放居東裔至死不得反于朝而尚書云鯀則殛死禹乃嗣興者箕子見武王誅紂今與已言懼其意有慙德為說父不肖其罪子賢則舉之以滿武王意也

七十年春正月帝使四岳錫虞舜命

帝在位七十年景星出翼鳳凰在庭朱草生嘉禾秀甘露醴泉出日月如合璧五星如聯珠厨中自生肉其薄如箴搖動則風生食物寒而不臭名箴脯又有草莢階而生月朔始生一莢月半而生十五莢十六日以後日落一莢及晦而盡月小則

一莢焦而不落名曰蓂莢一曰曆莢洪水既平歸功於舜將以天下禪之乃潔齋修壇場于河洛擇良日率舜等升首山遵河渚有五老游焉蓋五星之精也相謂曰河圖將來告帝以期知我者重瞳黃姚五老因飛為流星上入昴二月辛丑昧明禮倫至于日晏榮光出河休氣四塞白雲起回風搖乃有龍馬銜甲赤文綠色綠壇而上吐甲圖而去甲似龜背廣九尺其圖以白玉為檢赤土為泥以黃金約以青繩檢文曰閼色授帝舜言虞夏當授天命帝乃寫其言藏于東序後二年二月仲辛率羣臣沈璧於洛禮畢退俟至于下晏赤光起玄龜負書而出背甲赤文成字止壇其書言當禪舜遂讓舜春秋緯曰河以通乾出天苞洛以流坤吐地符河龍圖發洛龜書感河圖有九篇洛書有六篇

七十一年帝命二女嬪于舜

古今人表娥皇女嬀舜妃數手舜妹呂覽曰堯傳天下于舜禮之諸侯妻以二女臣以十子北面而朝之韓非子曰妻帝二女而取天下不可謂義昶藏曰坤闢筮帝堯降二女以舜妃

七十三年春正月舜受終于文祖

尚書帝命驗曰舜受終赤鳳來儀於是帝堯率命舜攝行天子之政

七十四年虞舜初巡狩四岳

七十五年司空禹治河

五行志禹治洪水賜雒書法而陳之洪範是也尚書刑德攸曰禹長於地理水泉九州得括象地圖堯以為司空中候云伯禹在庶四岳師舉之帝堯握括命不試爵授司空禹稽首讓于益歸帝曰何斯若真出爾命圖示乃天傳子云荀仲豫稱禹十二為司空按舜攝時顓臾既死而禹用攝時蓋年

十四

七十六年司空伐曹魏之戎克之

潛夫論曹有姜姓者盟會圖魏麻姓呂覽禹攻曹

魏伐屈鰲有扈以行其教

八十六年司空入觀贊用玄圭

宋書志玄圭水泉流通四海會同則出尚書璿璣

鈴曰禹開龍門導積石玄珪出刻曰延喜王受德

錫佩鄭玄注禹功乃成天錫元圭

八十七年初建十有二州

古未有十二州舜受禪之初以四岳統十二州封

其山謂冀并幽充青營徐揚荆豫梁雍也謀牧立岳以廣聰而燭隱東岳寓於充牧青徐屬焉南岳寓於荆牧陽豫屬焉西岳寓於雍牧梁涼屬焉北岳寓於幽牧并冀屬焉

八十九年作游宮于陶

漢地理志昔堯作游成陽注如淳曰成陽在定陶師古曰作游者言為宮室游止之處水經注陶水東出堯山山盤紆數百里下有平陵有大堂基者舊云堯行宮所

九十年帝游居于陶

考定竹書卷十

九

地理志濟陰郡成陽有堯塚靈臺昔堯作游成陽今濮州雷澤縣汲冢瑣語曰舜放堯於平陽續述征記小成陽在陽城西南半里許俗云因堯城括地志引竹書云昔堯末年德衰為舜所囚故濮州鄆城縣東北十五里有堯城演義因堯城在相之湯陰又濮陽有偃朱城在縣西北十五里竹書謂舜既囚堯偃塞丹朱于此使不得與父相見史通云舜放堯於平陽取之帝位識者因以禪受為疑據山海經謂丹朱為帝得非舜雖廢堯仍立堯子又奪其帝位者乎

九十七年司空巡十有二州

一百年帝陟于陶

路史二十有八載淋然寓其天下之尊爰與方迎游於陽城乃徂落世紀云堯葬濟陰成陽西北四十里是為穀林墨子以為堯堂高三尺土階三等北教八狄道死殽山之陰山海經堯葬狄山之陽一名崇山東坡書傳堯壽一百一十七歲尚書通考堯十六歲自唐侯升為天子在位七十載試舜三載又老不聽政二十有八載在位通計一百丹一年壽一百十六歲沈約曰帝子丹朱避舜于房陵舜讓不克朱遂封于房為虞賓三年舜即天子之位帝崩虞氏國之于房為房邑侯今荆河之界房同作防昭王后家朱卒葬第陽

帝舜有虞氏

母曰握登見大虹意感而生舜于姚墟目重瞳子故名重華龍顏大口黑色身長六尺一寸舜父母憎舜使其塗廩自下焚之舜服鳥工衣服飛去又使浚井自上填之以石舜服龍工衣自傍而出耕于歷夢眉長與髮等遂登庸

元年己未帝即位居冀

考定竹書卷十一

十

舜父頑母瞽兄狂弟象以布衣耕漁陶販而為天子公孫尼子曰舜牧羊于黃陽一云牧羊于黃河千寶曰舜耕歷山獲玉曆于河際之巖知天命之在己體道不倦

作大韶之樂

呂覽昔者舜欲以樂傳教于天下乃令重黎舉夔於草莽之中而進之舜以為樂正夔於是正六律和五聲以通八風而天下大服

三年命咎陶作刑

一竹皋陶淮南子皋陶瘠而為大理天下無虐刑

考定竹書卷十

十一

有虞氏以畫號當黜以草纓當削以復樹當則以艾畢當宮布衣無領以當大辟故云有虞氏畫衣冠異章服以為戮而民不犯

九年西王母來朝

西王母之來朝獻白環玉瑱西王母石室在金城臨羌西北塞外尚書帝驗期云西王母於大荒之國得益地圖慕舜德遠來獻之

十四年卿雲見命禹代虞事

十五年帝命夏后有事于大室

十七年春二月入學初用萬

夏小正曰丁亥萬舞入學萬大舞也韓詩說萬以夷狄大鳥羽

二十五年息慎氏來朝貢弓矢

周稱肅慎氏之矢大戴記北發息慎息肅古字或通淮南子夫能理三苗朝羽民徙裸國納肅慎未發號施令而移風易俗者其惟心行者乎

二十九年帝命子義鈞封于京

義鈞封于商是為商均漢律曆志商均封虞在梁國今虞城縣

三十年葬后有子渭

考定竹書卷十

十二

后有娥皇也

二十二年帝命夏后總師遂陟方岳

禹以功德隆盛遂代典百揆內輔虞位外行九伯曰汝惟弗倦總朕師謂攝行天子事也魏文帝表云禹有存國七百之功乃承祿于有虞

三十三年春正月夏后受命于神宗

書傳堯之所從受天下者曰文祖舜之所從受天下者曰神宗受天下於人必告于其人之所從受天下者神宗堯也

遂復九州

傳言禹經啓九道盡為九州禹貢九州之盡在治水後蓋因治水悉地勢之分斷不可十二乃復為九冀充青徐雍豫揚荆梁也

三十五年帝命夏后征有苗有苗氏來朝

述異記苗氏長齒上下相貫高辛邦之金匱言三苗之時三月不見日論衡言三苗之亡五穀變種鬼哭于郊墨子云昔者有三苗大亂天命殛之曰妖宵出兩血三朝龍生廟大哭乎市夏水地圻及泉五穀變化民乃大振高陽乃命玄宮禹親祀天之瑞令以征有苗四電誘祗有神人面鳥身若瑾

耆老竹書卷上

主

以待搯矢有苗之梓苗師大亂后乃遂幾禹既已克有三苗馬磨為山川別物土上下制大極而神民不違天下乃靜國策云昔舜舞有苗而禹入裸國欲以論德而要功也

四十二年玄都氏來朝貢寶玉

上陽子度人經注玄都九靈仙母主治東極扶桑賜谷之淵國名記玄都少昊時諸侯外傳云玄都氏黎國或云重黎非也逸周書昔玄都氏賢鬼道廢人事天謀臣不用龜策是從神巫用國哲士在外玄都以止

四十七年冬隕霜不殺草木

呂覽禹之時天先見草木秋冬不殺禹曰木氣勝木氣勝故其色尚青其事則木感情符曰誅伐不行則冬霜不殺草

四十九年帝居于鳴條

鳴條有蒼梧之山帝崩葬焉今海州鳴條在安邑西北任昉記朝歌有獄臺為禹囚虞舜之宮五十年帝陟

皇極經世舜丙辰即位至禹十七年死通為一百十年路史舜年百十有一或云舜年一百五歲亦

耆老竹書卷二

主

云一百十三歲山海經蒼梧之野舜與叔均所葬也論衡舜南治水死于蒼梧帝昭曰舜征有苗死于蒼梧之野墨子舜西教乎七戎道死葬南己之市呂覽葬于紀市不變其肆九疑山下有紀邑蔡邕銘曰遂葬九疑解體而升登此崔嵬託靈神仙史通云按蒼梧山連五嶺地氣歆瘴雖百金之子猶憚經履其塗况以萬乘垂沒之年踐不毛之地兼復二妃不從孤魂瀟灑讓王高蹈豈其若是若夏桀放于南巢趙嘉遷于房陵周王流羣楚帝徙郴其艱棘未若斯之甚也陟方之死其殆文命之

志乎

按羅璧識遺曰子由古史譏司馬遷史記輕信而疎畧今以所紀世系求之其言黃帝生昌意昌意生顓頊顓頊生窮蟬窮蟬生敬康敬康生勾芒勾芒生蟠牛蟠牛生鼓叟鼓叟生舜自黃帝至舜凡九世及叙禹系曰黃帝生昌意昌意生顓頊顓頊生鯀鯀生禹去黃帝止五世禹繼舜興何舜遠而禹近也叙黃帝至湯凡十七世湯至紂又二十九世通四十八世而叙黃帝至武王但十九世武王後湯六百年興去黃帝乃止二十世何紂遠而武

考索竹書卷三

五

近也後之論世系者多本史記殆未改遷之謬也又云莊子著軒轅氏後始有赫胥氏尊盧氏祝融氏伏羲氏神農氏黃帝氏六韜亦著軒轅氏在驪達氏赫胥氏之間軒轅自古帝王一號也古幣亦有軒轅黃帝之分軒轅幣作堊黃帝幣又作命則軒轅黃帝為二又軒轅以車得名軒轅觀轉蓬之風法製車輪軒車橫木因為號黃帝大垌曰土氣勝土色黃因號黃帝司馬遷不詳乃曰黃帝名軒轅後人從而亦訛執古為信莊子古文史記按河圖黃帝名軒文封降禪德祖黃軒論語考曰軒

知地利則黃帝單名軒非重名也

考索竹書卷十

五

考定竹書卷二終